

7. oktober 2015

Uunga siunnersuut: Kalaallit Nunaannut suliffissarsiortut killilersimaarnissaat pillugu Inatsisartut inatsisaata allannguuteqartinneqarnera pillugu Inatsisartut inatsisaat nr. xx yy 2015.

(Sulisitsisut suliffissanut nittartakkamik atuinissaat)

(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)

Siumumiit aalajangiiffigisassatut siunnersuummut imaattumik oqaaseqaateqassaagut:

Aalajangiiffissatut siunnersuummi anguniarneqarpoq nittartagaq atorlugu sapinngisamik sulissarsiortut eqaannerusumik Kalaallit Nunaanni sulissarsiorsinnaanissaat taamaasilluni qaquguk-kulluunniit suliffissarsiortoq sulisitsisorlu periarfissaat pitsaanerusut anguneqaqqullugit.

Siunertaavoq suliffissarsiortut eqaannerusumik sukkanerusumillu sumiiffinni pisariaqartitsisunut nuttarnerulersinnaanissaat, minnerunngitsumik sapinngisamik avataaneersunik sulisoqarnissamik pinngitsoortitsiniarnissaq taamatullu nunatsinni sumiikkaluaraaniluunniit qulakkeerniarneqarmat suliffissarsiortut sulisitsisullu ataatsimoortinneqarlutik ajornannginnerusumik ujartuisinnaanisaanik.

Minnerunngitsumik Siumumiit nuannaarutigaarput sulitsisut sulissarsiornerminni pinngitsooratic nittartagaq atorlugu sulissarsiornissamik pisussaaffilerneqarmata.

Ukiuni kingullerni avataanniit nunatsinnut suliartortartut ilinniarsimannikkaluartut amerliartorput, tamannalu akiorniarlugu iliuuseqarnissaq pisariaqarmat Siumumiit nuannaarutigaarput iliuuseqarfigineqarniarmat.

Nittartakkap pilersinniarneqartup atuutilerneratigut pitsaanerusumik pikkorissaanerit ilinniartitaanerillu aqutissiorneqarsinnaalissapput, taamaasilluni Piareersarfiit aamma Suliffissarsiuussisarfiit ilitsersuinissaminnut pitsaanerusunik siunnersuisinnaalissallutik.

Taamatut Siumumiit oqaaseqarluta Inuusutissarsiornermut, Suliffeqarnermut, Niuernermullu
Ataatsimiititaliamut suliassanngorlugu inassutigaarput.

Suka K.Frederiksen

Siumut